





DIE XXII MAII.

IN FESTO  
SS. TORQUATI ET SOCIORUM  
EPISCOPORUM MM.



*Oratio.*

**D**eus, que nos post beatissimum Jacobum Apostolum per beatos Martyres tuos atque Pontifices Torquatum, Chtesiphontem, Secundum, Indaletium, Cœcilium, Hesychium et Euphrasium ad agnitionem tui nominis venire tribuisti, concede

propitius, ut quos festivo veneramur obsequio, eorum intercedentibus meritis, æterna gaudia consequamur. Per Dominum etc.

LI I. N. de Sra. II. N. quæ habentur in festo S. Torquati 15 Maii (H). In III. N. Ego sum vitis vera etc.

Extra tempus pasch. De Cni. plurim. Mm. 1. loc.



## DIE XXXI. MAJI.

## IN FESTO S. ANGELÆ MERICÆ VIRGINIS.

## DUPLEX.

OMNIA DE COMMUNI VIRGINUM, PRAETER SEQUENTIA.

## Oratio.

Deus, qui novum per beatam Angelam sacrarum Virginum collegium in Ecclesia tua florere voluisti: da nobis, ejus intercessione, angelicis moribus vivere; ut terrenis omnibus abdicatis, gaudiis perfrui mereamur æternis. Per Dominum.

## IN I. NOCTURNO.

Lectiones de Scriptura occurrente.

## IN II. NOCTURNO.

## Lectio iv.

Angela Mericia Decentiâni, Veronensis diocesis oppido ad Lacum Benacum in ditioe Veneta, piis orta parentibus, à prima ætate virginitatis liliam, quod perpetuo servare statuerat,

sédula sepsit. Ab omni muliebri ornâtu abhorrrens, egrégiam vultus formam, pulchrâmq; cæsariem studiôsè foedâvit, ut cœlesti dumtaxat animarum Sponso placeret. In ipso autem adolescentiæ flore parentibus orbâta, austeriôris vitæ desiderio, in desértum locum aufugere tentâvit; sed ab avunculo prohibita, novit præstare dñi, quod in solitudine non licuit. Cilicio ac flagellis frequenter usa, carnem non nisi infirma valetudine, vinum in Nativitatis et Resurrectiônis Dominicæ tantum celebritate, complures verò dies nihil omnino degustâvit. Oratiôni dedita, brevissimum humi carpèbat somnum. Dæmonem verò sub lucéntis Angeli forma sibi illudere conântem agnovit prótinus, et conjecit in fugam. Tandem paternis bonis abdicatis, et hábitum ac régulam Tertiî Ordinis sancti Fran-

cisci ampléxa, evangélicam paupertatem virginitatis laudi conjunxit.

Propter.

Lectio v.

Nullum pietatis officium erga próximos omittens, pauperibus, quidquid sibi ex emendicatio victu superesset, largiebatur, libenter ministrabat ægrôtis, pluraque cum magna sanctitatis fama peragravit loca, ut vel solatio esset afflictis, vel reis veniam impetraret, vel infensos invicem reconciliaret animos. vel è vitiôrum cœno sceléstos revocaret. Angelorum pane, quem únice esuriebat, frequentissime refecta, tanta charitatis vi ferebatur in Deum, ut sæpius extra sensus raperetur. Sacra Palestinæ loca summa cum religione obivit: quo in itinere et visum, quem ad Cydonias impulsas oras amiserat, eodem regressa recuperavit, et barbarorum captivitatem, ac naufragium imminens divinitus evasit. Romam denique firmam Ecclesiæ Petram veneratúra, et amplissimæ Jubilæi veniæ percipida, sedente Clemente Séptimo, accessit: quam summus Pontifex allocutus, ejusdem sanctimoniâ suspexit, et commendavit summopere: nec ab

Urbe ipsam abire ante permisit, quam alio cœlitus vocatam agnovit.

Dilexisti.

Lectio vi.

Brixiam itaque, ubi domum ad sanctæ Aphræ templum condixit, reversa, novam ibi virginum Societatem, sicut cœlesti voce ac visione mandatum sibi fuerat, sub certa disciplina, sanctisque vivendi regulis constituit, quam sanctæ Ursulæ invictæ virginum ducis patrocinio ac nomine insignivit: eam verò perennem futuram morti proxima prædixit. Tandem prope septuagenaria, dives meritis, evolavit in cœlum sexto Kalendas Februarii anni millésimi quingentésimi et quadragésimi. Cujus cadaver per ipsos triginta dies inhumatum flexibile, ac vivo simillimum perseveravit. Deum in sanctæ Aphræ templo inter cæteras, quibus illud abundat, Sanctorum Reliquias reposito, plurimam ad ejussepulchrum agi statim cœpere miracula: quorum fama latè diffusa, non Brixie modo et Decentiâni, sed alibi etiam vulgo cœpit nuncupari Beata, ejusque imago aris imponi: imò sanctus ipse Carolus Borromæus non multis post annis dignam, quæ ab Aposto-



lica Sede in sanctarum Virginum album referratur, Brixiae palam asservit. Cultum vero illi jamdiu a populis exhibitum, et tum locorum Ordinariis probatum, tum pluribus etiam Summorum Pontificum Indultis munitum, Clemens Papa Decimus tertius solemniter Decreto ratum habuit, ac confirmavit. Eam tandem, novis miraculis rite probatis insignem, Pius Papa Septimus, solemniter Canonizatio-

ne in Vaticana Basilica peracta, die vigesima quarta Maji, anno millésimo octingentésimo séptimo, sanctarum virginum catalogo adscripsit.

¶. Afferentur.

IN III. NOCTURNO.

Homilia in Evangelium, Simile erit..... de Comuni primo loco.



